

Morning Dogri (NSD) National News Bulletin 24-08-2024

आकाशवाणी

खबरां जितेन्द्र सिंह कोला।

1. यूक्रेन दे राष्ट्रपति ब्लादमीर जलेंस्की होरें प्रधानमंत्री नरेन्द्र मोदी हुंदे कन्नै दपक्खी मीटिंग मगरा आखेआ जे यूक्रेन-रूस बश्कार युद्ध गी खत्म करने लेई कुलसंसारी कूटनीतिक प्रयासें च भारत अहम भूमका नभाई सकदा ऐ।
2. गृहमंत्री अमित शाह होर छत्तीसगढ़ दे रायपुर च नक्सलवाद खलाफ कारवाइएँ दा जायजा लैने लेई केई बैठकें दी अध्यक्षता करगन।
3. रक्षा मंत्री राजनाथ सिंह ते अमरीका दे रक्षा मंत्री लॉयड आस्टिन होरें दौनें मुख्यें बश्कार मजूद रक्षा साथ सैहयोग दी समीक्षा कीती।
4. एफएसएसएआई नै दुध ते दुध सरबन्धी सब्बै उत्पादें दे पैकेटें थमां ए-1 ते ए-2 दे दावे हटाने दे निर्देश दित्ते न।
5. जार्डन च खेड्डी गोई अंडर-17 विश्व कुश्ती प्रतियोगिता च भारतीय महिलाएं पैहली बारी टीम टाइटल अपने नां कीता ऐ।

<><><><><><>

PM-Ukraine

प्रधानमंत्री नरेन्द्र मोदी हुंदा पोलैंड ते यूक्रेन दा दऊं दिन दा दौरा समाप्त होई गेआ ऐ। यूक्रेन दे अपने दौरे बारे बोलदे होई श्री मोदी होरें आखेआ जे ओह दौनें मुख्यें बश्कार सरबन्धें गी होर निगगर करने आए दे हे। उनें आखेआ जे यूक्रेन दे राष्ट्रपति ब्लादमीर जलेंस्की कन्नै उंदी गल्लबात बड़ी फायदे मंद रेई। प्रधानमंत्री होरें आखेआ जे उंदा विश्वास ऐ जे शांति बनी दी रौहनी लोड़चदी।

<><><><><><>

PM-Zelanski

प्रधानमंत्री नरेन्द्र मोदी होरें यूक्रेन दे राष्ट्रपति जलेंस्की होरें गी भारत दौरे दा साददा दित्ता ऐ। दोनं नेताएं बश्कार लम्मी दपक्खिया गल्लबात मगरा भारती पत्रकारें गी संबोधत करदे होई यूक्रेन दे राष्ट्रपति जलेंस्की होरें आखेआ जे ओह भारत दोरे दी हीखी लाई दी ऐ, की जे उंदे मुख्य ते रूस बश्कार लड़ाई गी खत्म करने बक्खी कीती जा करदी कूटनीतिक कोशशें च भारत बड़ा मता असर रखदा ऐ। दपक्खिया गल्लबात दरान श्री मोदी होरें जलेंस्की होरें गी आखेआ जे यूक्रेन ते रूस गी बिजन समां बरबाद कीते दे लड़ाई गी खत्म करने लेई कोशश करनी लोड़चदी ते भारत फरवरी 2024 च लड़ाई शुरू होने आले दिन थमां गै शांति दे हक्क च ऐ। यूक्रेन दे राष्ट्रपति होर आखेआ ऐ जे भारत वैश्विक दक्खन दे मुखें लेई यूक्रेन शांति शिखर सम्मेलन आयोजत करने दा सुझाह दित्ता।

<><><><><><>

Amit Shah

केन्द्री गृहमंत्री अमित शाह होर छत्तीसगढ़ दे अपने त्रऊं दिनें दे दौरे ८ कल रातीं रायपुर पुज्जे। ओह नक्सल विरोधी आयोजनें बारे केई बैठकें दी अध्यक्षता करगन। अज्ज बडलै चम्पारन च महाप्रभु वलभाचार्य आश्रम जाने दा उंदा कार्यक्रम ऐ। मगरा ओह अंतर-राज्य तालमेल बारे छत्तीसगढ़ ते गोआंढी राज्यें दे मुख्य सचिवें ते महा निदेशकें दी इक बैठक दी अध्यक्षता करगन। एहदे परैंत ओहउग्रवाद थमां प्रभावत इलाकें च सुरक्षा ते विकास सरबंधी इक बैठक दी अध्यक्षता करगन।

<><><><><><>

Defence Minister

रक्षामंत्री राजनाथ सिंह ते अमरीका दे रक्षा मंत्री लॉयड आस्टिन जंदी रातीं पैंटागन च लग्गी दी दपक्खिया गल्लबात दरान मजूद रक्षा सैहयोग गतिविधिएं दी समीक्षा कीती ते इसी होर मजबूत करने दे उपाएं पर चर्चा कीती। उनें दपक्खिया रक्षा सैहयोग, उद्योगिक सांझ-भ्याली, खेत्तरी सुरक्षा ते होर दुए अंतर्राष्ट्रीय मुद्दें पर व्यापक चर्चा कीती। श्री सिंह होरें अमरीका दे चऊं दिनें दे दौरे पर वीरवारें वाशिंगटन पुज्जे हे। इक ब्याने च रक्षामंत्री होरें आखेआ जे कवाड दी पैहलकदमी इंडो पैसिफिक मेरी टाइम दोमेन अवेयरनेस गी शुरू करने बक्खी होई दी प्रगति दी सहायता कीती ते हिंद महासागर खेत्तर च एहदे बारे जागरुकता फैलाने च भारत पाससेआ कीती जा करदी कोशशें दी बी सराहना कीती।

<><><><><><>

PM-Nepal

प्रधानमंत्री नरेन्द्र मोदी होरें नेपाल दे तनाहुन जिले च शिङ्क हादसे च मरने आलें प्रति डूंहगा दुख जाहर कीता ऐ। सोशल मीडिया पोस्ट च श्री मोदी होरें आखेआ जे भारतीय दूतावास पीड़ितें गी हर संभव मदाद देआ'रदा ऐ। उनें घायलें दे तौले नरोए होने दी कामना कीती।

<><><><><><>

FSSAI

खाद्य सुरक्षा ते मानदंडे सरबंधी भारतीय प्राधिकरण नै खान आली चीजें दा दकानें जां ऑलाइन सरिस्ते राएं कारोबार करने आलें गी अपने पैकेटें थमां दुध जां दुध आले उत्पादें च ए-1 ते ए-2 दे दावें गी हआने दे निर्देश दित्ते न। केई दुध विक्रेताएं आस्सेआ क्यो, मक्खन, देई जनेह उत्पादें गी एफएसएसआई दे लाइसेंस नंबर दा इस्तेमाल करदे होई ए-1 ते ए-2 वर्ग च बेचा'रदे हे।

<><><><><><>

Congress Meeting

कांग्रेस दी केन्द्री चुनां कमेटी दी कल नमीं दिल्ली च बैठक लग्गी ऐ जेह्दे च जम्मू कश्मीर च ओंदी विधानसभा चुनाएं पर चर्चा कीती गई। इस बैठक च कांग्रेस अध्यक्ष मल्लिकाजुन खरगे, कांग्रेस नेता राहुल गांधी ते होर दुए वरिष्ठ नेता शामिल होए।

<><><><><><>

Amit Shah-JK

केन्द्र गृहमंत्री अमित शाह होरें जम्मू कश्मीर विधानसभा चुनाएं लेई कांग्रेस ते नैशनल कांफ्रेंस दे गठजोड़ उप्पर जुबानी हमला बोलदे होई कांग्रेस उप्पर सत्ता लेई अपने लालच गी पूरा करने लेई मुल्खै दी सुरक्षा ते अखंडता कन्नै समझौता करने दा दोष लाया ऐ। इक सोशल मीडिया पोस्ट राएं श्री शाह होरें कांग्रेस दे नेता राहुल गांधी हुंदे थमां 10 सुआल पुच्छे न।



J&K Voting

जम्मू कश्मीर च पैहले गेड़ च होने आली 24 असेंबली सीटें लेई मतदान च 23 लक्ख 27 ज्हार मतदाता हिस्सा लेंगन। जिंदे च 5 लक्ख 66 ज्हार युवा मतदाता न। 7एं जिलें च फैली दी इनें सीटें पर 18 सितम्बर गी वोट पोआए जांगन।



President US

अमरीका च राष्ट्रपति औहदे लेई आजाद मेदवार रॉबर्ट एफ. कनेडी जूनियर होरें अपनी दावेदारी छोड़ी दिक्ती ऐ ते साबका राष्ट्रपति ते रिपब्लिकन पार्टी दे मेदवार डोनाल्ड ट्रंप दी दावेदारी दा समर्थन कीता ऐ। अपने भाषण च श्री कनेडी होरें आखेआ जे ओह अमरीकी राष्ट्रपति औहदे लेई अपनी दावेदारी छोड़ा'रदे न की जे उनेंगी जित्त दा भरोसा नेई ऐ।



IMD

मौसम विभाग नै गुजरात, पच्छमी मध्यप्रदेश, त्रिपुरा ते मिजोरम च भारी बरखा दी संभावना जताई ऐ। मौसम विभाग नै गोवा, कोंकन, मध्य महाराष्ट्र, झारखंड, ओडिशा, मेघालय, पूर्वी राजस्थान ते पच्छिम बंगाल दे किश इलाकें च भारी बरखा दी पेशगोई कीती ऐ। मौसम विभाग नै उत्तराखंड, उत्तरप्रदेश, पच्छमी राजस्थान, हिमाचल प्रदेश, अरुणाचल प्रदेश, सिक्किम ते बिहार च इस पूरे हफ्ते भारी बरखा दी संभावना जताई ऐ।



Wresling

जार्डन दी अम्मान थाहर खेड़डी जा'रदी अंडर-17 विश्व कुश्ती प्रतियोगिता च भारतीय महिलाएं शानदार प्रदर्शन करदे होई पैहली बारी कुल 8 तगमें जित्ते टीम टाइटल अपने नां कीता। भारतीय महिलाएं सुन्ने दे 5, चांदी दा 1 ते कैह दे 2 तगमे जित्ते ते 185 अंक अपने नां कीते। इस प्रतियोगिता च जापान दुए नंबर पर रेआ।



Dhawan

भारतीय क्रिकेटर शिखर धवन नै अंतराष्ट्रीय क्रिकेट दे त्रौनें प्रारूपें थमां सन्यास दी घोषणा करी दित्ती ऐ। इक सोशल मीडिया पोस्ट च धवन नै आखेआ जे ओह फैन्स दा उंदे समर्थन ते प्यार लेई शुक्रिया अदा करदे न। धवन नै भारत लेई अपना खीरी मैच दिसम्बर 2022 च बंगलादेश खलाफ खेड्डेआ हा। धवन नै भारत दी तरफा 34 टैस्ट, 167 इक दिवसीय ते 68 टी-20 मैच खेड्डे। धवन नै अंतराष्ट्रीय ते घरेलू क्रिकेट दौनें थमां सन्यास लैने दी घोषणा कीती ऐ।

